

BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Communicaziun a las medias
ils 17 da schaner 2024


Augusto Giacometti. Contemplazione Lavurs sin palpiri 28-01 – 28-04-2024

Ils 28 da schaner vegn averta l'exposiziun "Augusto Giacometti. Contemplazione" en il Museum d'art dal Grischun.

Augusto Giacometti (1877–1947) tutga tar las pli impurtantas personalitads artisticas svizras da l'emprima part dal 20. tschientaner. El è naschì a Stampa en Bregaglia, ha studegià a Turitg ed a Paris ed ha passentà onns impurtants a Firenze, avant ch'el è sa domicilià a Turitg. Da là anora ha el adina puspè fatg viadis cun impuls artistics. La scolaziun a Paris tar Eugène Grasset l'ha manà ad in'occupaziun intensiva cun il jugendstil. Skizzas da plantas e d'animals ha el transponì en lavurs ornamentalas ed en repetiziuns regularas d'elements identics. Ellas èn la basa da ses dissegns da pastel, en ils quals la glisch e la color èn daventadas ils purtaders d'expressiun centrals. En ses art ha el er transponì l'experientscha da fanestras da vaider transparentas e la luminusità glischanta da las alas da tgirallas. Uschia è el daventà in piunier da la pictura nunfigurativa.

D'emprim ennà han ils dissegns e las lavurs sin palpiri fatg part da ses meds d'expressiun artistics ils pli impurtants. En tals ha el sviluppà sia lingua figurativa tranter figuraziun ed abstracziun. El ha chattà la via a lineaments libers. La fina crida da pastel e la color d'aquarel glischanta èn suandadas sia voluntad d'ina concepziun dematerialisada da glisch e da color.

Per quest motiv sa concentrescha l'exposiziun en il Museum d'art dal Grischun dal tuttafatg sin lavurs sin palpiri e mussa las basas da questa ovra. Ella parta dals ritgs effectivs da la Collecziun grischuna d'art e vegn cumpletada cun emprests prominents. Ina part substanziala da l'exposiziun è la collecziun voluminusa da l'architecta Tilla Theus. Questa collecziun arriva l'onn 2024 sco donaziun tar il Museum d'art dal Grischun.



BÜNDNER
KUNSTMUSEUM
CHUR

MUSEUM D'ART
DAL GRISCHUN
CUIRA

MUSEO D'ARTE
DEI GRIGIONI
COIRA



Amt für Kultur
Uffizi da cultura
Ufficio della cultura

Orientaziun a las medias

venderdi, ils 26 da schaner 2024, a las 10.00
Museum d'art dal Grischun, Cuira
(annunzias: kathrin.gartmann@bkm.gr.ch, tel. 081 257 28 65)

Vernissascha

Dumengia, ils 28 da schaner 2024, a las 11.00

Exposiziun

28-01 – 28-04-2024
mardi fin dumengia, da las 10.00 fin las 17.00
gievgia, da las 10.00 fin las 20.00

Occurrenzas

Infurmaziuns davart las occurrenzas actualas chattais Vus sin la pagina
d'internet dal Museum d'art dal Grischun sut www.buendner-kunstmuseum.ch.

Contact per las medias

Museum d'art dal Grischun, Cuira
Stephan Kunz
Directur artistic
tel. +41 81 257 28 61
stephan.kunz@bkm.gr.ch